

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Initia doctrinae physicae

Melanchthon, Philipp

Francoforti, 1550

VD16 M 3471

Secunda regula

urn:nbn:de:bsz:31-106565

LIBER III.

efficit alterationes in Elementis, sed tamen hic qua-
litatum inter sese actio est, uidelicet, aut uirtuali-
um, aut formalium. Coniunctio Saturni & Mar-
tis uirtute efficit siccitatem in aëre.

Propriè autem loquitur Regula Aristotelis de
mixturebus Elementorum inter sese. Et utilis con-
sideratio est, quæ qualitates inter sese actionem ha-
beant, uidelicet, hæ tantum, quæ sunt contrariæ spe-
cie, ut caliditas & frigiditas mutuum inter sese a-
ctionem & passionem habent, sic humiditas & sicc-
itas. Et contraria contrariam pellit, Similes uerò
similibus iuuantur, iuxta regulam: Simile additum
simili facit ipsum magis tale. Caliditas uerò agit in
humidum per accidens, scilicet siccitate, itom, quia
disgregat subiectum, exhaurit humorem.

Secunda Regula.

Oportet esse proportionem agentis & patien-
tis, ita ut agens sit aliquanto fortius. Et cum repug-
nat patiens, gradus sunt aliqui, qui resistere agenti
possunt, ut calor naturalis in animali fortior est in
conuertendo cibo, quàm uirtus cibi conuenientis in
resistendo. Sed cum languidior est calor naturalis,
quàm ut sit par copię cibi, non sit integra conuer-
sio, & manent in corpore multæ partes crudæ. Sic
in cicuta tanta frigiditas est, ut calore naturali
prorsus suffocato, extinguitur homo nimia frige-
factione.

Tertia